



398

1521

Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-06-05-18645-39/19
Sarajevo, 24.06.2019. godine

SKUPŠTINA KANTONA SARAJEVO
Služba za skupštinske poslove

PREDMET: Odgovor na zastupničko pitanje,-

Zastupnica/poslanica Vildana Bešlija je na Osmoj radnoj sjednici Skupštine Kantona Sarajevo održanoj dana 14.05.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, pokrenula zastupničku inicijativu **“za izmjenu i dopunu Zakona o šumama Kantona Sarajevo objavljenog u “Službenim novinama Kantona Sarajevo” broj: 05/13”**.

Odgovor:

Čuvari šuma u Kantonu Sarajevu uposlenici Ministarstva privrede – Uprave za šumarstvo i samim tim imaju status namještenika. Namještenici su svi oni koji su zaposleni u organima državne službe (od nivoa općine, grada, kantona i FBiH) na poslovima za koje se traži SSS ili VŠS. Status namještenika u Kantonu Sarajevo, ali i u cijeloj Federaciji Bosne i Hercegovine, regulisan je jedinstvenim *lex specialis* propisom Zakonom o namještenicima u organima državne službe u Federaciji Bosne i Hercegovine (*“Službene novine Federacije BiH”*, broj 49/05).

Dužnosti čuvara šume taksativno su propisane članom 58. stav (6) Zakona o šumama Kantona Sarajevo (*“Službene novine Kantona Sarajevo”*, broj 5/13), a to su:

- a) čuva šumu od šumskih požara na način kako je utvrđeno ovim zakonom i planovima zaštite šuma od požara,
- b) čuva šumu i šumska zemljišta od bespravnog zauzimanja i korištenja, od bespravnih sječa, sprječava bespravnu izgradnju u šumi i na šumskim zemljištima,



- c) evidentira bespravno posječena stabla u propisane obrasce i obilježava ih,
- d) prati pojave i kretanje biljnih bolesti i štetočina i štete nanesene šumi od divljači,
- e) prati održavanje šumskog reda,
- f) sprječava nezakonito pokretanje drveta iz šume, ubiranje i sakupljanje nedrvnih proizvoda i stavljanje istih u promet,
- g) zaustavlja prijevozna sredstva, pregleda teret koji se prevozi i pregleda prateću dokumentaciju za prijevoz šumskih sortimenata,
- h) evidentira, obilježava i privremeno oduzima šumske drvne proizvode koji su stavljeni u promet u suprotnosti sa članom 24. ovog zakona.
- i) pregleda porijeklo drveta u pogonima za preradu drveta i na svim drugim mjestima gdje se drvo drži,
- j) pregleda sav transport na šumskim putevima,
- k) sprječava istresanje i deponovanje (odlaganje) smeća i drugog otpada u šumu i uništavanje graničnih znakova,
- l) sačinjava zapisnik o protivpravnoj radnji sa neophodnim podacima o izvršenoj radnji, izvršiocima i visini štete,
- m) obavezno legitimira sva lica zatečena u vršenju prekršajnih radnji po ovom zakonu i krivičnih djela koja se odnose na šume ili za koja postoji osnovana sumnja da su izvršila takva djela,
- n) obavezno obavještava Upravu za šumarstvo, policijsku upravu i šumarsku inspekciju o svim zapaženim nepravilnostima.

Zastupnica Vildana Bešlija navodi u obrazloženju svoje inicijative navodi: "da za neprovođenje zaštite šuma nije propisana nikakva sankcija i da Uprava, odnosno čuvari šuma nemaju nikakve odgovornosti za manjkavo čuvanje šuma".

S tim u vezi, ističemo da odgovornost čuvara šuma u slučaju njihovog protivzakonitog postupanja, kao i sankcije za takvo postupanje postoje.

Naime, isti po Zakonu o namještenicima u organima državne službe u Federaciji BiH za povrede radnih dužnosti i obaveza disciplinski odgovaraju. Prema članu 54. navedenog Zakona čuvarima šume mogu se izreći slijedeće disciplinske mjere i kazne i to:

1. za lahke povrede službene dužnosti izriču se disciplinske mjere:
 - opomena,
 - javna opomena;
2. za teške povrede službene dužnosti izriču se disciplinske kazne:
 - novčana kazna do 40% od osnovne plaće namještenika na period do šest mjeseci,
 - suspenzija prava na povećanje plaće u smislu člana 42. Zakona o namještenicima u organima državne službe u Federaciji Bosne i Hercegovine o u periodu od najviše dvije godine,



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



– prestanak radnog odnosa u organu državne službe.

Pored toga, ako iste radnje imaju obilježja krivičnog djela onda isti snose krivičnu odgovornost i krivično odgovaraju prema odredbama važećeg Krivičnog zakona FBiH i Zakona o krivičnom postupku FBiH.

Tužilaštvo Kantona Sarajevo vodi istragu protiv pet čuvara šume čija je **krivična odgovornost individualna** i za koje treba sačekati pravosnažni sudski epilog. Uzgred rečeno, Tužilaštvo KS već oko dvije godine vodi istragu (počev od maja 2017. godine) i optužnica još uvijek nije ni podignuta, pa samim tim ni potvrđena od nadležnog suda. Isto tako, čuvari šume su pušteni iz pritvora u junu 2017. godine, a od strane ovog ministarstva preventivno su suspendovani sa posla. Također, moramo reći da svaki građanin ima pravo, ali i dužnost da sve nezakonite radnje za koje smatra da su krivična djela prijavi Tužilaštvu Kantona Sarajevo.

Ovo ministarstvo je od 2013. godine, to jest od trenutka kada je stupio na snagu Zakon o šumama Kantona Sarajevo, a zaključno sa 31.05.2019. godine protiv lica koja su zatečena u vršenju bespravnih radnji u šumi ukupno podnijelo 2.937 zahtjeva za pokretanje prekršajnog postupka i krivičnih prijava (*detaljan prikaz u tabeli ispod*).

Godina	Broj podnesenih zahtjeva za pokretanje prekršajnog postupka Općinskom sudu u Sarajevu	Broj podnesenih krivičnih prijava Tužilaštvu Kantona Sarajevo	Ukupno (kolona 2+3)
2013.	297	83	380
2014.	494	63	557
2015.	440	28	468
2016.	504	10	514
2017.	445	10	455
2018.	412	8	420
2019. (od 01.01. do 31.05.2019.)	139	4	143
UKUPNO			2.937

Uvažena zastupnica Vildana Bešlija u obrazloženju svoje zastupničke inicijative predlaže da se da ovlaštenje šumarskoj inspekciji da izriče prekršajne naloge čuvarima šume, a da raspon novčane kazne bude od 500,00 KM do 2.000,00 KM.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Predloženo rješenje bilo bi krajnje anahrono sa brojnim negativnim implikacijama koje bi iz toga proizašle, a posebno uzimajući u obzir činjenicu da bi čuvari šuma kao namještenici ovog ministarstva bili očigledno diskriminirani i stavljeni u neravnopravan položaj u odnosu na sve druge namještenike, i to kako na namještenike u ovom ministarstvu, tako i u odnosu na namještenike u općinama, Gradu Sarajevo, Kantonu Sarajevo i Federaciji Bosne i Hercegovine. Veoma je bitno napomenuti, da u dosadašnjem bogatom iskustvu i praksi, niti jedan zakon o šumama koji su se kod nas primjenjivali nije nikad poznao mogućnost da šumarska inspekcija neposredno kažnjava čuvare šuma (ni prijedlog Zakona u šumama FBiH koji je u parlamentarnoj proceduri to nigdje ne predviđa), a što je činjenica koja sama po sebi već dovoljno govori. Također, nameće se pitanje da li u okruženju i šire postoji u Zakonu o šumama rješenje prema kojem šumarska inspekcija može nepodredno novčano kažnjavati čuvare šuma. Ovom ministarstvu nije poznato da takvo rješenje negdje egzistira.

S poštovanjem,

MINISTAR

mr. sci. Haris Bašić

Dostavljeno:

1. Naslovu,
2. Vladi Kantona Sarajevo/Stručnoj službi Vlade KS,
3. Evidenciji,
4. a/a.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

